




# CHANSON NEVEZ

VAR SUJET

## UR FILOUTER EN DEUS TROMPET E HOSTIS



Var eun ton nevez

**M**e ho suppli, oll tud yaouanc da zont da glèvet  
Ur son meurbet divertissant a nevez composit,  
A zo great da eun den yaouanc, ur filouter fin.  
Mar entendet, ar farç plesant, a rai d'each choarzin.

Arabet eo compagnunez, ober dioutan :  
Bete re a filouterien so dre ar vro-man ;  
Nemet hepquen avertissa an oll hostisien  
Da zioual na zeuint da loja ar filouterien.

An den-mà a voa brao guisquet, eun den a fécon,  
Me sonch dîn a oa guinidi<sup>e</sup> demeus a Leon  
Squis a oa er gær re vaguet, meur a hini so,  
M'a deus laket en speret mont da reddec bro.

E Montroulez hac e Guengamp, e Treguer eo bet,  
E Sant Malo, hac e Dinan, hac e Sant Briec ;  
Partout oa e clasq e fortun, o poursui e chanç,  
Arc'hant en doa casset gant an bars en abondanç

Baleet en deus bete Paris ar flouter fin ;  
E yalc'h a so deut da blada souden alafin ;  
Distroet eo bet d'an Naonet, ha bet e Roazon  
Hac anfin e zeo bet manquet e bourvission.

Evel ma voa qet custumet da ober cher vat,  
Evit ar vech e voa maguet calz re delicat,  
E quemeras effrontiri da c'houlen loja  
Ebars en eun hostaliri, n'oa diner ganta.

Evel ma voa qer brao guisqet, en ty eo antreet :  
Bonsoir, emezan, va hostis, ha me vo lojet ?  
Coania fell din em plijardur en ti mà fennos  
Mag ivez eva ur banne abars n'em repos.

Servichet, eme an hostis, va mignon antreet :  
Servichet e viot a dra certen ar pez a guerfet ;  
Azeet ama en eur gador e qichen an tân ;  
Qemeret ur banne da eva d'a c'hortos ho coan.

Servichet e oe va mignon eus a guement mad  
A zesire e galonic a draou delicat  
Guin Bourdel demeus ar guella, hac ive guin Spagn,  
Ha liqueur an excellanta tout da vab ar c'hagn.

P'en devoe drebet hac evet, c'hoariet e roll,  
D'ar plac'h en deveus lavaret : disservichit an doll ;  
Tennit ho plajou, boutaillou, ivez ho cuerer,  
Va c'hassit d'am c'hampr da gousqet d'ur guele qempen

Amá e commenças nec'hi breman den yaouanc,  
Penaus e paeje e hostis, n'en devoa qet arc'hant :  
Evet emeus guin, emezan, ha grêt ameus cher ;  
Petra rin-me evit paea, n'meus qet un diner ?

Epad an nos en e vele e oa chagrinet,  
O sonjal en e baemant, n'alle ket cousket :  
N'allin ket mont eus an ti-má certen e nep guis,  
Ma ne allán caout un voyen da bea'n hostis,

Guelit bremá ar finessa eus ar filouter fin :  
Un, diou pe deir heur kent an de e yas er jardin,  
Buan e zec bet commancet da doulla an douar,  
E vragou en deveus plantet en toul se ractal.

P'en doa entérret e vragou, e yas en e vele,  
N'euze n'em lakas da gousket da c'hortos an de ;  
Gout a rê mad, ar filouter, e teuje aben  
Da ober d'an hostis paea ar scot pen-da-ben.

Antronos vintin pas savas evit partial,  
Aa ne gave ket e vragou, e commañc rial ;  
Fors ! va mignonet emezan ; sicour, me ho ped,  
Ha va arc'hant, ha va bragou a so tout laëret,

An hostis hac an hostises d'an nec'h so pignet ;  
Chomet e repos, den yaouanc, petra zo c'hoarveet ?  
Hac e ve collet ho vragou se n'en deo netra,  
Arabat eo hon decria, ni ya da baea.

N'en deo qet hepgen ar bragou va chagrinet,  
Va oll arc'hant a oa ennan : me so ruinet,  
Beza voa certain en arc'hant hac en aour melen.  
Daou c'hant scoet, ha pevar real n'em gave ouspen.

Fouillet a oa bet dre an ty, ar servicherien,  
Mevel, mates, pautr marchossi, bugale oc'hépen :  
En a oa sur oc'h e affer e grie bepred :  
Penaus e zin-me d'an c'harter, tout e zon laeret.

Ententit, emezan, hostis bars e ber langac'h ;  
Ma na rentit din va bragou, me rei deoc'h domach ;  
Evidon me gavo testou, pa venqfet caout din,  
Penaus ne oan qet divragou pa zeuis d'ho ty.

Evidon me so den bonest, m'ar deus er c'hontre,  
Ne fell qet din ho ruina, pell dioc'h qement-se ;  
Roit din ur bragou mezer ha cant scoet oc'h penn,  
Me bardonno deoc'h an enter, ne choulennan qen.

An hostis hac an 'hostises eus a galon vad  
A gont dezan prest e gant scoet tout an ur yalc'had ;  
Mac ivez ur bragou nevez eus a vezer Saos ;  
Ar filous o c'hemer buan, pa voa mad e haos.

Rei a rejont da zijuni dezan quen partia ;  
P'en d'o pardonet an anter, o pea joa outhá :  
Pront hep sellot en dro dezan, e zeo partiet,  
Qenavezo, hostises emezan, ar c'henta guelet.


Abars nemeur goude an hostis, o terri ar jardin,  
En deus cavet bars en douar bragou ar pautr fin  
Hac en o commanç da grial eus e boueze benn :  
Houmá so tro eur filouter ! ha me zo eun azen.

Qement hostis so er vrô-má a rankfet donet  
Da ober goab eus ac'hanon ; brema me so baro tief :  
Collet e meus eta cant scoet, eu bragou mezer,  
Ha c'hoas e meus lardet e gof d'am fripon tam laer.

Breman e teuan da avertissa an oll hostizien  
Ma tiouallint dre guement-má ouz ar filouterien :  
Na dleont qet en em facha evit e glevet,  
Din-me va unan ar goassa, me so goal diet.

Propriété






# CHANSON

Composet a neve voar sujet



## DAOU DEN YAOUANQ



*Var an ton neve*

Mar gallan gout ar feçon e rancquan composi  
 Ur chanson hac ur c'henviat herve va faltasi  
 Voar sujet daou den yaouanq, tud a condition  
 Estimet en ho farros gant an dud a fesson.

Ne oan nemet unec vloa pa int bet commencet  
 Ha dre oll en eum gueven en hent gant ho loenet  
 An hini a ve goassa eguile secoure  
 Ber e gueven an amser ho tremen ho bue.

Pa oan daouzec vloa echu int eat er chatechis  
 Ac a eum heuillen dare evel ma oa no guis  
 Bete ober ho tri fasq e mesk ar vugale  
 Beb bla e cresq ur mail e chaden ho amitie.

Er bla varlec'h ma int eet er mes er chatechis  
 E hin commencet ho dao da roulla ho yaouanquis

Ho c'hondui a rea d'ar guer deus a bep assamble  
Evel daou den unisset an illis gant Doue.

Ho zud ho velet ar merq deus ho fidelité  
A sonjas ho separi an eil deus eguile  
Ar plac'h a ya d'ar gouen pedar leo digantant  
Evit ma c'hanconaje bea fidel dean.

Pa int bet dispartiet an eil deus eguile  
Ne sonje quet gant ho zud ho devoa finisse  
Ar goas a ouie scriva ac a gass lizero  
Eur veach ar sizun ressus da glêvet he c'helo.

Pa echuas en amzer e teu ar plac'h er mes  
N'ho quet or boner d'he ober leanes  
Hac en eum c'heullen darre evel an eur guenta  
Eur garante ne oar quet evit e distrujan.

Betec eur bla varnuguen in em c'heuillet  
Qen a erruas an urz da denna ar billet  
Neuze an deus renoncet dar plijadurezo  
O doa bet assamble dre an assambleo

Pa antre an den yaouanq er gamp evit tenna  
E santas e oll vemprou da gommanç da grenan  
Hac e sonjas e tenje an numero izel  
Hac e ranqje separi deus e vestres fidel.

Hasten a eure e zorn pa eo errue e renq  
Hac e tigoas gantan an numero izel  
Cetu mantret e galon ha beuzet en glac'har  
Qen a garje e vije eet divar an douar.

Pa que annoncet dezi gant he gamarado  
Penos en devoa tennet ha pe seurt numéro

E lavaras a voues huel aroc ma partije  
E voelje e lianan e laca en e be.

Ar zul arog ma parti o deus quimiaded  
O tont deus ar gousperou int en ém rencontret  
An daelou ho daoulagat a glebie ho diliat,  
En coste ar c'hleus da ober ho c'himiad.

Abaoue hon bugaleach ma mestrezic fidel  
E sonjant e oam choaset gant Doue eternel  
Evit bean unisset an eill gant eguile  
Queit ma vijen leset er bed-man en bue.

Hon daou e voamp ho veva er memes santimant  
Rac ma speret emezi e voa pareillamant  
Me sonje d'in na vijemp birvigen separet  
Quen a blije gant Doue hont c'has divar ar bed.

Abalamour da Doue pa rankan partian  
Evit merq a garantez ouzac'h a goulennan  
Ar mouchouar so ganec'h o sec'ha o taellou.  
Ma ellin sellat outan betec fin ma deiou.

Dimeus a greis va c'halon e mei va mignon quer  
E c'hastenan d'ec'h va dorn da rei ar mouchouar  
Lequet-en en ho codel a dalhet mad dean  
Mar ho be soulajamant o ton de visitan.

Tachit d'en em gonsol' e queit a ma veet  
Ne vo get hir o conje deus a liou a zouguet  
Car ben bemzec de aman ac an de a hirio  
E vo peb hini ac'hanomb o repos en e ve.

Credi a ran fermanant a pes a lavaret  
Rac evel ma c'herruin e guer a Sant Briec,  
E c'houlennin eur billet da vont d'an hospital,  
Ac'hane vin transportet a laq iet en douar.

Dindan ar pevar devez ma e bet partiet  
Eo marved ar plac'h yaouanc er guer ac interret  
Daou devez just er goude e c'herru ar c'helo  
E oa maro e mignon, Doue d'ho fardono.

Queit a ma vev an eil den en glac'har d'eguile  
Ne get echu ar respect hac ar fidelite  
Goulennomp oll a galon ma voïnt recevet  
Gant Jesus hac ar Verc'hes en envou o urusdet.

Propriété.

